

紀文達公遺集

紀文達公遺集卷第十

孫樹鑿編校

跋

御製題孫覺春秋經解六韻恭跋

乾隆四十年

乾隆癸巳

詔求海內遺書以充四庫中外獻書及格者凡十三家
皆擇其珍祕之本

御製詩章弁於首俾世守以示褒異
臣昀幸與其數蒙
賜題孫覺春秋經解七言律詩六韻

寶墨輝煌垂光奕世旣而

命以是書付

武英殿劄劄戶部尚書

臣

王際華

宣示

定本第四句下有

御註周麟之跋云初王荊公欲釋春秋以行於天下而
莘老之傳已出一見而有慧心自知不能復出其右遂
詆聖經而廢之曰此斷爛朝報也不列於學官不用於
貢舉者積有年矣其說雖未必盡然而書爲當時所
重亦可見矣八十七字第十一句下有

御註此書於紹興間陽羨邵輯任高郵時鏤以君際華

李張顏又因其移書以周麟之跋語附益卷不載而詳之今爲翰林紀昀所藏僅有抄本耳五十四字蓋限於卷端尺幅未及備書而其詳則載

御集跼讀之餘彌增忤幸伏念

臣

學殖荒蕪謬蒙

簡擢得總司編錄徧窺石渠金匱之藏已爲望外乃復以家傳舊笈土塵

睿覽邀

錫奎章稽古之榮尤逾常格實不勝鳬藻之至謹恭摹宸翰鐫勒貞珉以昭

恩遇併敬述始末傳示子孫俾無忘焉

御製題明朱載堉琴譜樂律全書恭跋

乾隆五十二年

臣聞大樂必易載於樂記知雅奏無繁聲也樂記又曰清廟之瑟朱絃而疏越一唱而三嘆有遺音者矣蓋遺者餘也倚瑟而歌詩瑟音一鼓是爲一唱餘音不斷歌者遲聲以和之是爲三嘆古琴瑟一字一彈一彈一聲茲其明證矣然自三代以來卽有雅樂鄭聲之分久而古樂俗樂混合爲一非惟哀思柔曼如歸風送遠諸操不諧於正軌卽高山流水自號賞音如王昌齡所謂聲意去復還九變待一顧者亦皆掩抑鏗鏘務求悅耳豈復伶而後夔渾穆淳古之遺哉唐去古未甚而國史

補稱于頤客彈琴三分之中一分箏聲二分琵琶聲無
本色韻知指法盛琴理晦其來久也惟我

聖祖仁皇帝亶聰立極稽古從先契天地之元音溯聖
神之舊制於

御製律呂精義

特闡明古法垂示來茲我

皇上聖學高深

纂承

前緒

詔定中和韶樂一遵軒律舜絃之舊從前

欽定四庫全書既

命以琴譜之明律呂者入經部樂類而以俗工之論句
撤者入子部藝術類

權衡至當於琴聲之源流正變業已昭晰無疑茲復
御題朱載堉琴譜訂其指法之訛又

題載堉樂書糾其雜用曲牌之謬煌煌

彝訓曠若發蒙蓋

心與天地同其體故能通天地聲氣之原

道與帝王合其符故能溯帝王明備之奧有非操縵安
絃之流所能窺見萬一者臣備員編纂得仰示

聖人之指示又跽讀

宸章得恭覩

聖人之制作濡毫敬錄之下真不啻身列虞廷親見依
永和聲九成奏而鳳凰儀不勝欣抃榮幸之至也

經筵

御論恭跋

乾隆五十四年

經筵故事向用一四書

題一經題此次首篇講問韶章次篇用子謂韶盡美矣章以引伸前篇之義

臣聞聲氣之元上通造化道侔乎天地始能同天地之
和心契乎聖人始能測聖人之蘊故樂惟聖人爲能作
惟聖人爲能知亦惟聖人能推其作樂知樂之由而發

揮其微奧非株守章句之儒所能窺見萬一也我

皇上協撰乾坤超軼三五化裁心矩經緯萬端制度明
備囊括百代

欽定律呂正義後編詩經樂譜並剖析精微刊正謬誤
爲萬禩成範茲於

講幄復卽魯論之文

闡繹經旨

宣諭儒臣溯蒲坂之元音辨尼山之奧旨微言大義炳
耀儀璘非惟何晏皇侃以來未明斯理卽紫陽集註一
經

睿鑑指示亦灼然共見其拘泥蓋大舜孔子心源遙遠
故聆音察理曠代合符我

皇上無逸永年化成久道大舜垂衣之化也綜括三才
陶鈞萬象孔子一貫之學也有大舜之治故能作大舜
之所作有孔子之學故能知孔子之所知心法治法後
先一揆具見於

二論之中臣等跪聆

玉音不啻恭預虞廷之賡颺而側聞泗水之講授也能
勿自慶遭逢之盛也哉

御製耕藉永詞恭跋

乾隆五十四年

臣聞敬天勤民帝王之通義也然必強固精明之氣足以運行而不息始能恒久而不渝耜田舊典具載禮經以供粢盛昭其誠也以教稼穡務其本也歷代相承罔敢弗舉顧稽諸史冊以年登上壽之帝王而躬行三推之禮則未之覩也我

皇上建極斂福無逸永年久道化成康彊逢吉溯自御宇以來

親耕禾詞宣布中外者已六十一章茲己酉仲春復躬舉耜田

御製禾詞三章被之管絃韻叶幽雅於時臣以禮官侍

儀臺左仰見

聖躬肅穆

天步從容紆轅黛耜往來隴畔者四周規折矩安舒中
節諸臣獲預從耕者咸自愧孱弱弗及萬一又咸慶
壽考康寧體符乾健足卜

萬年綿算與天無極不勝鳬藻之悃前者

巡幸灤陽

御製七旬乘馬之句海內流傳莫不欣悅今

聖壽屆八袞復有

親耕禾詞爲藝林絃誦其歡忭又當何如乎
臣恭錄

宸章上貢

冊府一以抒頌祝之忱一以見

聖天子萬幾兢業惟日孜孜

宵旰勵精事必

躬親類如此爲三五以來所未有也

御製至避暑山莊卽事得句恭跋

乾隆五十四年

臣聞洪範之衍皇極也備陳五福之斂敷庶民之錫保

而推其至治之效則曰會其有極歸其有極昔周盛時

王澤洽頌聲作嘉樂天保諸詩所以抒祝嘏之忱者洋

洋郁郁至今照耀人耳目而世傳周公越裳一操尤稱

爲太平之極盛蓋帝王統馭八紘必萬國之大同始爲諸福之咸備也今安南阮惠震懼

天聲破關內向獻琛奉費萬里梯航廷臣踴躍

宸章及

御題識語咸頌

聖天子威德昭宣仁義兼盡允上協乎

天心尤慶其不後不先適以

八旬萬壽之前與屬國藩封同列交閭效呼嵩之祝豈非

穹蒼眷顧特膺其衷俾應期而至成千古未有之盛事

卷之六 通集卷一
哉臣恭錄之次以助順之有驗益徵申錫之無疆矣

御製節前御園賜宴席中得句恭跋

乾隆五十五年

臣聞千古未有之聖人始能舉千古未有之盛典我

皇上合德乾坤超越三五非惟

文治

武功爲攝提合維以來所希觀卽一燕飲賡颺之事亦
爲前史之所無焉乾隆五十有五年

聖壽八旬

斂福敷錫溥洽歡心歲之元正

頒詔中外塞北天西諸藩臣咸鱗集仰流而東之朝鮮

東南之琉球南之安南西南之巴勒布亦皆航海梯山
和會於

闕下朔六日丁亥先

賜宴

紫光閣越六日癸巳復

賜宴於

御園

皇上推同仁之意

垂柔遠之恩於諸臣正使咸

手扃以賜

聖慈優渥迴殊常格其感激懼忭亦倍萬恒情午刻
宣示

御製詩章俾使臣能詩者恭和中惟暹羅巴勒布二國
文字各殊不諳聲律其朝鮮安南琉球三國使臣並拜
效頌祝得詩九章以進朝鮮國正使行判中樞府事李
性源詩曰

堯階春葉報中甸湛露

恩深

法讌頻薄海歡欣同玉帛寰區慶祝競

神人陪筵每感

積封遍

賜醞那安

御手親五紀馨香

躋八耄南山北斗總歸

仁朝鮮國副使禮曹判書趙宗鉉詩曰春回

慶歲月中旬玉帛來庭侍

讌頻姬籙萬年

躋壽域

堯階三祝效封人身沾法醞叨

恩曠衣惹香煙仰

聖親武帳

嵩呼同內服雙擎雲漢頌

皇仁安南國謝

恩正使刑部右侍郎阮宏匡詩曰筵開前節值新旬春
暖名園

詔問頻

恩倭帡幪高覆物

澤覃優渥廣同人懷侯柔遠

天生

聖飽德觀光子慕親化外幸陪冠帶會期頤介壽拜

皇仁安南國謝

恩副使東閣學士宋名朗詩曰

虞廷肆覲未盈旬拜奉

天恩灌沃頻不限陽春覃異域式隆膏澤寵來人淪肌
浹髓知優渥望日瞻雲妥戴親分外帡幪何報答願將
嵩壽祝

皇仁安南國謝

恩副使翰林院待制黎梁慎詩曰

天眷

皇王啓壽旬億年

聖澤祝聲頻

御園日暖常佳氣華宴春濃及遠人星度共旋依北極
威顏咫尺仰慈親觀光幸綴明堂列頂踵均沾雨露

仁安南國進貢正使翰林院侍讀陳登大詩曰

虞階何待舞經旬玉帛初通雨露頻煦育肯分千里外
綏懷渾似一家人幸陪周宴

清光接近挹堯樽咫尺親新寵歸來分海國共將華祝
頌

皇仁安南國進貢副使東閣學士阮止信詩曰華旦欣
逢

萬壽旬春卮厘祝叩筵頻象方玉帛聯

王會鹿宴笙簧慰遠人望日有年陶煦煖朝天何幸安
尊親南歸願卽呈黃耆早拜

丹墀仰

至仁安南國進貢副使翰林院待制阮促詩曰九十韶
光甫二旬靈園鶯燕報春頻星馳輪轡趨

行殿雲集衣冠拜

聖人仰見

英君德得壽可知

天命敬惟親金章玉席

洪恩浹瀘傘難酬頂踵

仁琉球國副使正議大夫鄭永功詩曰

御極垂衣正八旬普天沐

德獻琛頻四夷駢貢蒙

皇化五代同堂仰

聖人召入

華筵龍液洒飛登

紫苑鳳扈親

天顏咫尺沾

恩湛永祝昇平

萬壽仁伏考外國詩篇進於朝廷者惟白狼王唐荅歌
三章最古然實舌人所代譯其原詞尚載東觀漢記中
不能諧音律也唐貞觀中有南蠻酋長馮智戴詠詩之
事特一人而已其詩亦不傳次則景龍中正月五日蓬
萊宮春宴聯句有吐蕃舍人明悉獵一句此外無聞焉
今乃同文者三國能詩者九人恰以
聖壽八袞之歲同日預宴賦詩此非千古未有之盛典
欺人徒見荒憬旅來不辭險遠不知由

德所浹者深

威所震者遠也人徒見海國山陬亦能賦詩不知由

文教覃敷久已化行於域外不自今日始也至於適以舉行

慶典之年有此度越億齡之事則由於

天申保佑特以是爲神符靈爽之徵益非偶然而致矣
臣備員秩宗職典屬國又叨預嘉宴目覩其盛實不勝
鳧藻之至謹恭錄

聖製而附紀諸陪臣之和章以昭示萬世知

皇上聖化爲千古所未有焉

御製壽民詩恭跋

乾隆五十五年

臣聞周易稱乾道變化各正性命而中庸首章乃以天

地位萬物育爲致中和之極功蓋氤氲化醇皆生機也
蜎飛蠕動皆生意也然或有所天闕於其間則其生不
遂於是聖人有參贊之功焉所謂爲天地立心爲生民
立命者是也故橫海之鱗必於巨壑近網罟者則不能
干雲之木必於穹巖戕斧斤者則不能老壽之民必於
太平之世叔季凋敝者亦不能理之自然如操左券矣
我

皇上御極五十有五年太和翔洽桐生茂豫億兆胥登

於仁壽

臣

在春官檢核舊籍每年以百歲請

旌者不能縷數今歲正月恭逢

聖壽八旬州郡以百歲奏者尤衆是非氣淑年和之驗
歟其尤幸者或以兄弟比肩或以夫婦齊眉或以一堂
五代或以恭遇

巡省鳩杖迎

鑾得邀

宸翰之榮用著

熙朝之上瑞而昭優禮耆耆之

盛典見於

御製詩集者炳炳麟麟榮鏡宇宙

臣

謹恭錄成冊以垂

示奕禩自此以往

聖壽益長

聖澤益渥黃髮台背之叟荷

賜奎藻者亦益繩繩不已恭俟

御製詩集以次續編以次

頒行於海內臣更將以次敬書用彰

久道化成之極盛焉

經筵

御論恭跋乾隆五十五年

臣聞周易一書以天道明人事故六十四卦之象傳皆有君子以字中庸一書則以人事合天道故託始於天

命而歸宿於上天之載是皆聖人效法之學儒者類能言之也然儒者之所講循文訓詁而已至於保合太和之原則惟聖人始能合其德亦惟聖人始能通其微一經闡發人人覺愜理厭心如得諸意中而實則出千古之意外斯則淺者見淺分量有所不能強矣今歲

經筵進講中庸裁者培之傾者覆之周易天行健君子以自彊不息諸臣覃精研思不能出先儒舊義之外迨
聽聆

御論始悟天與人物本爲一體栽培傾覆胥推於乾元之中行乎其所不得行人惟當順天之常克己之私

又悟自彊有二義一曰自己一曰自然揭聖賢由勉入
安之序而示其致力之根本在於孔顏之論仁臣伏而
繹思之六經之旨包括宏深儒者見仁見知各舉一端
往往不能盡其奧故自其流行者而論則氣數由於天
地自其樞紐者而論則天地亦在氣數之中漢儒六日
七分之學以六十四卦配三百六十日邵氏皇極經世
之學以六十四卦配元會運世其間盈虛消息卽爲吉
凶治亂之所由而天道人事並隨以轉移雖有聖人亦
不能不委順於其際此定理也然未有用以詮栽培傾
覆者講周易者有變易不易二義講知命者有安命立

命二義蓋必互相發明其理始備而講周易白彊不息者則僅有自己之一義而自然之一義亦歷代未經論及豈非均索之四海之外而失之目曉之前歟今經指示曠若發蒙豈但爲說經之圭臬乎

聖神功化之極軌俱已探其本原矣臣恭錄之下益信惟

聖人能知天惟

聖人能合天也

御製雲貴總督富綱奏緬甸國長孟隕遣使祝釐並乞

封號詩以賜獎恭跋

乾隆五十五年

欽惟我

皇上威弧高張

德車遠屆儀璘所燭砥屬維均譬青陽之育物而桐生
茂豫象霆聲之發榮而礲處傾聽夔鼓所震遐軼豎亥
之步象胥所通咸順夷庚之軌王會所圖蓋藻繪歲增
焉豈非道至大故化至神歟曩歲戊申緬甸國長孟隕
革心面內稽首欵關

皇上嘉乃梯航鑒其葵藿飫以太極之泉饗以大予之
奏翹企而至喜

北闕之是瞻詠蹈而還感南車之用導遂乃抃迎

聖渥仰矚

天容海燕熙陽河魚戴斗重獻益疆之版來奉介

壽之觥敬效貢篚祈求

冊命攄其丹悃申以綠章懇摯之懷

披瀝如覲

皇上惠茲驃國

錫以龍光寶篆璘璠遐賁乎九譯之區

奎文炳耀榮鏡乎六詔之外四瀛傳誦胥頌

聖天子綏柔之晷幬載之仁爲三五以來所未有焉夫

陽氣萌而荔挺出協風至而倉庚鳴

天地之仁不遺乎一物者也陽燧耿爛於丹曦寸管回春於暖律一物之誠上通於

天地者也

皇上以甘露時雨涵育乎徼外孟隕復以鱗集仰流上格乎

帝心古所云中外一家天地交泰者茲其明徵矣臣備員春官職典屬國恭錄

宸章誠不禁慶幸之交集也

御製八徵耄念之寶記恭跋

乾隆五十五年代作

臣聞帝王之政挈道樞者惟心揆化機者則惟理理經

緯萬端而本原於帝緯故必人事協於矩乃德與天符
必德與天符乃馨香感福祿備焉洪範一篇和同於天
人之際蓋以此也我

皇上斟元陳樞總持六幕

軒銘

堯誠曰慎一日於今五十有五載茲逢

八旬萬壽之期更

特鑄八徵耄念之寶

親製記文以昭慎憲省成之淵衷咸謂

聖天子年彌高德彌劭精明強固將與方儀圓象同悠

久無疆臣跼讀而繹思之我

皇上得天久照緝熙光明前

特命於

經筵歌抑戒以著耄而勤學之思今歲進講周易跼聆
御論於乾卦大象闡自己自然二義

大聖人協撰乾元健行不息臣工固莫不仰窺之姬公
陳訓稱無逸永年武王著銘曰敬慎必恭恭則壽跼讀
御製無逸論

五福五代堂記

大聖人綿算延洪康彊逢吉臣工亦莫不頌祝之然念

之云者有實用焉非徒曰心之精神謂之聖也徵之云者有顯證焉非徒以識緯術數推行機祥也蓋洛書之數一曰五行明天道二曰五事明人事八曰庶徵明天之通乎人九曰五福明人之格乎天而居中扼要則歸本五位之皇極鄭康成孔安國皆曰皇者大也極者中也大中者無過不及之謂也權衡在宥規矩從心乃以役使羣動萬化咸宜焉舜曰執中湯曰建中胥是志也臣仰荷

聖渥通籍已五十五年敷歷中外游登禁近得日瞻穆穆之光雖識見禱昧未足知

聖化之萬一然步躔之所測究勝握管之所闕伏見我
皇上提挈天綱經綸百度與時張弛消息變通如井田
封建車戰斷不可行於後世者皆

著論以闢其謬而禮樂刑政師古之意以權今之宜與
二帝三王心法治法皆若合符節我

皇上念典於學茹涵百代挾經之心執聖之權

御製詩五集陶鑄雅頌

御製文二集含吐典謨自天苞地符未闡斯祕而義關
勸戒弗尚華詞明著於

聖諭

而

權衡曲當袞鉞炳如不容一非聖之語又極義例之謹
嚴我

皇上神武天錫威弧震疊凝神九天之上而制勝萬里
之外龍沙蔥雪三十六國指顧蕩平冉驪兩國吐蕃九
姓古來號爲天險者旗鑣所指咸藉場艾旃鮫室蜃窟
大瀛隔越亦長鯨就翦海不揚波然逆則討服則舍苟
尉佗稽首唐荂陳詩則義取止戈綏柔曲逮兩階干羽
原與青邱夔鼓稱物以施我

皇上論辨官材甄別流品仿虞典之三考侔周京之六計滋蘭刈艾披沙揀金

日月貞明物無遁影然菁莪樂育茅茹彙征貢舉增科學校擴額四門大闢俊民用章至題特奏之名標五老之榜莫不彈冠結綬頌

壽考作人我

皇上綜覈邦計示儉防奢釐剔侵漁杜絕冒濫持籌司會出納有經然民生國計所關則不言撙節統計

御極以來蠲租賦者不知幾千百萬免錙結者不知幾千百萬增賑卹者不知幾千百萬貸鹽筴蘆課者不知

系之選集卷一
三
幾千百萬築河渠城垣者不知幾千百萬至黃軍實修
武備一歲加饟三百萬更永永無極又何嘗纖毫靳惜
歟我

皇上明察庶物矜慎祥刑稂莠翦而嘉禾榮雷霆鼓而
句萌動辟以止辟用弼教協中若情異怙終則

恩宏湯網自金雞肆眚以外爽鳩讞牘歲有矜疑凡庭
堅執法

堯曰宥三載秋官之籍者蓋不能縷數焉凡茲

聖政皆秉大中蓋

照臨如鑒之明故萬事萬物之情具燭其隱

裁制如衡之準故不偏不倚之節各適其宜箕子所謂
皇極者此也

皇上所以念用庶徵者此也

臣備員樞密

內朝燕見日聆

玉音仰識

睿慮周詳或圖度於幾先或防維於事後無不窮人情
事勢之微而權以天理其緩急輕重之機諸臣所不能
驟喻者每委曲

宣示曠然開悟如仰睹三光而

臣

所意喻心領欲贊頌

而無以形容者尤在身經之數事夫倏忽萬變莫過於

兵

皇上征伊犁討回部定金川以及秦隴諸役

臣

並執爰

以從其間山川險阻隨地殊形進退攻守因時異勢

臣

身在戎行尚持疑弗審

皇上發縱指示先機決勝千里外如指諸掌軒皇之親

臨涿野不是過也曼衍無定莫過於水

臣

嘗奉

命數視洪河一閱大江於橫河之所衝擊孰險孰夷孰
築孰濬孰無涯涘猝不得端倪

皇上揆度形勢指示機宜驗若符券剋期順軌神禹之
躬乘四載亦不是過也至情僞萬狀無過訟庭秋官案

臚臣所總掌雖與司讞諸臣研核情詞參稽律令罔敢弗詳弗慎然輕重出入一經

皇上酌裁必批導窅會辨析毫釐每承

訓誨皆曠若發蒙非造化在手

心矩不踰能如是順應咸宜歟非用志不分恒久無息能如是精義入神歟然則臣所謂八徵之

念本於皇極者確無疑矣

臣

因經義而推之是訓是行

以近天子之光曰天子作民父母以爲天下王皇極之文也今九域之內方趾圓顙雲合鱗萃同額手而祝

純嘏非其驗乎無偏無黨王道蕩蕩無黨無偏王道平

平無反無側王道正直無有作好遵王之道無有作惡
遵王之路會其有極歸其有極皇極之文也今炎海雪
山之外譯使奉琛名王詣

闕同獻

萬年之觥爲開闢以來所未聞又非其驗乎然則所謂
皇建其有極斂時五福用敷錫厥庶民維時厥庶民于
汝極錫汝保極亦必驗可知矣

億萬長齡可據經文爲券卽可據

御製爲券彼伏勝董仲舒劉向劉歆之流附會五行烏
足知

聖人用中之精義哉

聖製十全老人之寶說恭跋

嘉慶元年代作

聖人之福祿由於聖人之功化聖人之經綸由於聖人之道德而提衡九宇統馭萬端則皆貫以聖人不息之精神聖人不自言或偶言之亦不盡發其蘊奧故天下順則而不識不知卽偶睹萬一亦不能深測其淵源然天不可知而七政二十八躔循環幹運嘗步算者能推之聖人不可知而一言一動左右史之所記近光者亦或畧窺之

臣恭讀

聖製十全老人之寶說有曰十全本以紀武功而十全

老人之寶則不啻此也紬繹敬思仰見

太上皇帝斟元陳樞撫函夏者六十載自

御極以來敬

天法

祖

勤政愛民以及

文德武功之隆盛皆超軼三五卽

親傳大寶

授

受一堂定志於昭事之初而諧願於週甲之後亦書契

以來所未睹天下臣庶徒見升香薦玉

開九袞後猶皆

親詣精禋如是之虔恪也

實錄

寶訓無一日不

躬讀

一詔一命時念

舊章

一詠一吟時懷

家法繼承如是之敬慎也

宵衣旰食無不惕厲之時察微知著無不詳求之事凡有益下之政雖億萬不惜凡有濟衆之舉雖煩勞不憚如是之精明強固愷悌慈祥也若夫

奎藻喬皇榮鏡宇宙富涵山海巢燧羲軒未可倫比右文稽古經籍道昌與東壁西崑光華照映尤非石渠天祿所能並儒林傳誦徒驚爲雲日焜耀星漢昭回而已卽

握機九重之上決勝萬里之外窮荒絕域山經地志所不載職貢王會所未圖者

天弧所指罔不掃穴犁庭回面向內亦徒驚靈夔震擊

威侔雷霆而已至於經緯萬端役使羣動一以貫之之
精神則淵穆深邃天下莫得而見卽偶見一二亦莫得
測度

高深臣弱齡通籍實在

正位之初元仰蒙

教育參養已六十一年沐

聖澤者久又叨侍

禁籞日聞

揆度萬幾指示得失瞻

天光者尤近雖知識禱昧不能深領

皇極之彝訓而管闕蠡測終與逖聽者殊竊維天地一
至誠維聖人與天地同體用亦一至誠維至誠無息故
太極渾淪函三育萬一氣絪縕綿綿而不可紀極所謂
於穆不已也聖人博厚高明而悠久無疆所謂純亦不
已也

太上皇帝行健體元久道化成無地不敷以實政無事
不行以實心六甲五子歲紀一週而夙夜勵精如一日
未有一怠容未有一懈志

聖壽益高則古稀有說八徵耄念之寶有記是非惟不
倦且兢業益加此百度所以胥理庶績所以咸熙也非

至誠能之乎惟誠故明日月 二氣之純精故得天久
照聖人之心純粹以精故至一而不雜至靜而不擾至
清而不障不雜不擾不障則鑑空衡平物來順應不必
事事綜覈而無不在洞燭之中

太上皇帝天懷冲穆道性澄寧綜理庶務未嘗逆億亦
未嘗不前知未爲己甚而未嘗不去己甚官政之得失
人材之良楮臣外在邊國內在樞密六十載以來僂指
默數莫不

知在幾先慮周事後神運一心遠見萬里非所謂誠精
故明乎惟誠能格至治馨香神明斯感故聖人明天察

地而

上帝居歆其在詩曰宜民宜人受祿于天保佑命之自天申之蓋應天以實不以文故歡心溥洽貞符響應前代帝王非無黃琮蒼璧之儀非無轉粟鑄金之詔而咸未能下洽輿情上通

昊緯綿延福祿昭受無窮得與

太上皇帝齊軌者蓋以實意事

天無高弗達故

天鑒而集其祥以實意恤民無細弗周故民氣和樂頌聲以作衆志大同我聽我祖

天益嘉而篤其祐卽今

五世同堂

康彊逢吉

親舉

皇帝之寶

授

受於

太和殿覺自古勲華雖聖人而非父子沿及唐宋更無
論焉豈非至誠感神故神符靈契用成曠古未有之盛
用嚮曠古未有之福哉且夫惟聖知聖此一誠之相印

也惟聖契聖此一誠之相傳也

嗣皇帝毓德自

天承茲泰運迨宣

詔青宮之日益仰見

德量淵涵渾然造化非庸耳俗目所能測而

太上皇帝鑒照如神早定

儲位於癸巳歷試二十餘載果符

先定之志乃正名分承

統緒焉豈非惟

聖知

聖惟

聖契

聖哉然則

太上皇帝以至誠而成大化致諸福道與

天合符則

景祚與

天合符可知也

嗣皇帝以至誠而承

聖訓繼鴻庥道與

太上皇帝合符則

景祚與

太上皇帝合符又可知也我

國家億萬萬年無疆之慶實基於此矣臣備位綸樞恭

逢

大禮慶成職應恭率臣在閣諸臣呈進詩冊竊謂歸美報

上事事皆有實徵而修詞立誠言言要歸質當矧

聖德神功彌綸垓極茆茆藻韻恐不足以摹繪

天日謹擬

十全老人之寶說後跋一則陳其隅見實徵之質言之
較爲親切而著明謹拜書於簡末誠慶誠忭誠悅誠服

拜手稽首以獻

御製辛酉工賑紀事序恭跋

嘉慶八年

臣聞天地之運一往則一來一闢則一翕盈虛消息迭起環生氣相循而運成運相積而數定數之所至天地亦無如何也然而

皇穹仁愛恒以補救之權委之聖人使以人事挽回彌縫闕陷易象傳曰雲雷屯君子以經綸言數值其屯必賴君子之經綸也故九年之水數不可易則生禹敷土七年之旱數不可易則生湯鑄金二聖人者豈不知盈虛消息有數存哉乃奮起而與數爭卒登天下於衽席

亦曰天意如斯吾敬承之云爾

臣

嘗竊論之安命者君

子之學也造命者帝王之事也漢儒說易有六日七分之法以六十四卦排比於一年三百六十日而以是日所值之卦斷吉凶邵子推而廣之以六十四卦排比於元會運世而以是年所值之卦斷治亂年代邈遠人事紛繁偶爾相值亦或似小小有驗然據此爲定則一身之禍福皆定數吉不必惠迪凶不必從逆矣一代之興衰皆定數堯舜不爲有功桀紂不爲有罪矣天豈以此限人聖人豈以此立教哉嘉慶辛酉之夏霖雨不息桑乾水漲毗連都城之南禾麻涸損廬舍圯頽男婦之流

離饑困者不知凡幾論者謂旬服百里之內人情機巧風氣日澆以是干

帝之怒宜有是譴是固未必不然然

天心仁愛終不盡劉康濟保全實有屬於

聖主

皇帝仰體

上蒼好生之心力拯下土凋瘵之命蠲租蠲欠施食施衣所以撫恤之者無不至又

特遣大臣分巡郊甸使纖微疾苦無不上

聞迨水涸天寒復籌興工代賑之策俾各食其力觀一

隅之偏災而疊沛之

絲綸臣工之章奏至於裒成巨帙則區畫之周詳可知矣踞讀

御製序文藹然

天地父母之心礲處傾聽亦心脾感沁況近在

輦轂身受而目擊者乎歡抃莫名謹綴蕪詞以昭示奕禩咸知

帝王之功可補氣數庶不以讖緯百六陽九之說委諸天命矣

御製平定三省紀畧恭跋

嘉慶八年

臣聞物情百變各有其因帝治萬幾在察其本惟聖人
智周道濟能從其本而理之則挈領提綱天下舉而運
諸掌故非常之事不應有而忽有其釀之必非一朝知
其所以亂卽知其所以治矣易集之功可以成而不成
其撓之必非一端知其所以敗卽知其所以勝矣我
國家誕膺

景命仁育廣輪海嶽清寧久安耕鑿乃竟有伏戎於莽
竊聚萑苻論者謂幫源左道餘孽蔓延蠱惑人心漸以
搖動於是一發而燎原然日嚴傳教之禁而傳教者彌
衆也惟

皇上光明心鏡四照無方知民氣之悖悻由於民志之
怨讟民志之怨讟由於官役之侵蝕封疆大吏或簞簋
不飭竟藉以增郿塢之藏或潔己有餘詰姦不足務持
忠厚之論使貪墨者益無所忌鋌而走險此其故在官
不在民也赫然

天斷取黷貨者服上刑而一二遷就瞻庇者亦以次罷
斥貪狼伏匿翼虎翦除官不迫呼民安作息脅從者穰
穰胥歸嘯聚渠魁遂孤弱而盡就殄滅民爲邦本本固
邦寧其是之謂歟微

聖鑒高深烏能治肇釁之本而其末自理哉至我

朝

神武開基奄有函夏殲除梟獍蕩滌鯨鯢雖懸渡之外
戰無不克而潢池盜弄乃數載稽誅咸以爲太平日久
人不習兵而不知一由趨避太巧推諉者不前一由眈
域太明越境者卽免一由勢分相軋兩不相下互忌其
有功故兵非不衆糧非不足徒以不和而不克此其過
在將不在兵也惟

皇上端拱九重

坐照萬里申明軍律嚴正典刑誅一人而羣心警大勲
乃以告成寸樞轉關其斯之謂豈非操其本則末盡舉

歟臣禱昧之見如螽蛄之不知春秋於

神謨廣運

帝緯潛通經緯萬端運量六幕精微宏遠之

聖裁不能窺測萬一也而管蠡所及仰見

皇上統馭八閎清釐庶績事事必治其本抒所能知昭
示後世亦竊附於嘗水一勺可知海味云爾

紀文達公遺集卷第十